

سر تجميد الذهب الجزء الأول

باسم عليوة

كثير من الناس مش واخدين بالهم ان المال مال الله. ونحن مستخلفون فيه. عشان كده احنا مسئولين عن المال ده وانفاقا قدام نفسنا وقدام الناس والاهم قدام ربنا سبحانه وتعالى. ودي اصعب معادلة هتقابلك في حياتك انك تنفذ - [00:00:00](#)

معاملاتك اليومية من غير ما تقع في مخالفات شرعية. وكمان تحقق الرخاء المادي والاجتماعي في نفس الوقت. سبوبة حلال هتكون

هي حلقة الوصل بين البيزنس وفقه المعاملات السلام عليكم. انا باسم عليوة ودي سبوبة حلال - [00:00:20](#)

هتكلم معك النهاردة في سبوبة حلال عن زكاة الذهب والفضة والفلوس. ركز معي عشان هجاوب على اسئلة كثير بتدور في دماغك

بخصوص الموضوع ده. خلينا نتكلم كده من البداية خالص - [00:00:47](#)

ان الذهب الزينة مش هيكون عليه زكاة. كل كلامنا في حلقتنا النهاردة هيكون عن زكاة الذهب اللي بنية حفز المال او بنية التجارة.

اول واهم سؤال بييجي في دماغك اول ما تيجي تحسب زكاة الذهب ان لازم تعرف ايه هو النصاب بتاع الذهب ولازم تعرف كمان

يعني ايه حول ولازم تعرف نسبة الزكاة - [00:00:57](#)

بتاعة الذهب. النصاب هو عبارة عن خمسة وثمانين جرام ذهب عيار اربعة وعشرين. والحول هو سنة والسنة دي ممكن تكون سنة

هجرية وممكن تكون سنة ميلادية وهنقول الفرق ما بينهم بعدين. رقم ثلاثة لازم تبقى عارف نسبة الزكاة ونسبة الزكاة ديت يا اما

اتنين ونص في المية يا اما اتنين وستة من عشرة في المية - [00:01:17](#)

على حسب الحول اللي هنشتغل عليه. طب ايه الخلاف ما بين الحول؟ وايه الخلاف ما بين العيار بتاع الذهب؟ طب لو معي عيار

ذهب اربعة وعشرين ولو معي عيار ذهب واحد وعشرين ومعني - [00:01:37](#)

عيار تمتناشر. هحسب الزكاة ازاى؟ ده اللي هنتكلم عليه بالتفاصيل. وهنجاوب على اكثر الاسئلة المشهورة في زكاة الذهب. طيب

خلينا نقول مسال واحد معه ميت جرام ذهب عيار اربعة وعشرين. وحال عليهم الحول - [00:01:47](#)

ميت جرام ذهب عيار اربعة وعشرين خلينا نعمل المعادلة البسيطة ديت في الحساب. هنقول المية جرام ذهب دول قيمتهم النهارده

مسلا آ سعر الجرام تمنميت هنقول ميت جرام في تمنميت جنيه - [00:02:02](#)

في اتنين ونص في المية لو انا شغال على الحول الهجري او اتنين وستة من عشرة في المية لو انا شغال على الحولي الميلادي

وبالتالي هيطلع لك قيمة الزكاة مباشرة - [00:02:16](#)

طيب السؤال الثاني والمهم جدا وده المشهور واللي بيقابلنا لو الذهب اللي معي عيار اربعة وعشرين وعيار واحد وعشرين وعيار

تمتناشر ازاى اعمل المعادلة بتاعتهم بسهولة خلينا نقول مسال واحد معه ميت جرام ذهب عيار اربعة وعشرين - [00:02:27](#)

ومية جرام ذهب عيار واحد وعشرين. وميت جرام ذهب عيار تمتناشر. ازاى نحسب الزكاة بتاعتهم؟ اول السؤال الاول هل هم بلغوا

النصاب؟ طبعا بلغوا وبزيادة الحمد لله. رقم اتنين هل هم حال عليهم الحول ولا ما حالش عليهم الحول؟ الحول يعني السنة عدى

عليهم سنة؟ اه عدى عليهم سنة. رقم - [00:02:41](#)

ثلاثة نسبة الزكاة اللي انا هشتغل عليها. خلينا نتكلم على اني هشتغل على الحول الهجري لان هو ده الاساس. يعني نسبة اتنين ونص

في المية. هات ورقة وقلم واعمل معي المعادلة دي. المعادلة - [00:03:01](#)

بتقول ان انت هتاخذ كل عدد جرام معك وتضربه في رقم العيار. يعني ايه؟ احنا قلنا في المسال بتاعنا ان انا عندي ميت جرام ذهب

اربعة وعشرين. يبقى هاقول مية في - [00:03:11](#)

في اربعة وعشرين زائد مية في واحد وعشرين زائد مية في تمتاشر. واقسم كل الكلام ده على اربعة وعشرين هيطلع لي الناتج متين اتنين وستين ونص. المتين اتنين وستين جرام ونص دول هم عيار اربعة وعشرين كلهم - [00:03:21](#)

بمعنى اصح انا حولت الجرامات اللي موجودة عندي عيار واحد وعشرين وعيار تمتاشر لعيار اربعة وعشرين وبناء عليه هشوف سعر جرام الذهب في يوم الحول سعر جرام الذهب في يوم الحول قيمته - [00:03:37](#)

وليكن كانت خمسمية جنيه هضرب متين اتنين وستين ونص في خمسمية جنيه هيطلع لي القيمة مية واحد وتلاتين الف وشوية. هقوم ضاربهم في اتنين ونص في المية وبالتالي الناتج اللي هيطلع هو قيمة الزكاة. طيب لو معك ذهب ما يبلغش النصاب ومعك فضة ما تبلغش النصاب ومعك فلوس ما تبلغش النصاب - [00:03:51](#)

هل مش هطلع عليهم زكاة؟ طب لو اتجمعوا التلاتة مع بعض وبلغوا النصاب؟ هل عليهم زكاة؟ طيب ده سؤال مهم جدا لازم تركز فيه. لان الذهب والفضة التلاتة هيتعاملوا نفس المعاملة. الذهب والفضة كانوا في عهد النبي صلى الله عليه وسلم اسمهم النقدين. والنهارده الفلوس بتحل محل الذهب والفضة في عهد النبي صلى الله عليه - [00:04:10](#)

وبالتالي التلاتة لما باجي ازكيهم مع بعض بازكيهم في نفس الوعاء وبنفس النصاب وبنفس الحول مع بعض. يعني لما جمعهم التلاتة ويبلغوا النصاب خلاص هيبقى عليهم زكاة. انت عمال تقول لي من ساعتها زكاة الذهب والفضة بس ما اتكلمش عن الفضة. احنا قلنا ان نصاب الذهب خمسة وتمانين جرام ذهب عيار اربعة وعشرين. نصاب الفضة - [00:04:30](#)

خمسمية خمسة وتسعين جرام. يعني عشان تطلع زكاة على الفضة لوحدها. اللي هي بنية التجارة لازم تكون بلغت النصاب اللي هو خمسمية خمسة وتسعين جرام. طيب فلوس بتزكى ازاى؟ بتزكى زي الذهب. هنشوف قيمة الفلوس اللي معي بلغت النصاب ولا لا؟ طب هو نصاب الفلوس ايه؟ برضو ما يعادل خمسة - [00:04:50](#)

وتمانين جرام ده. خلينا نسبت كده الرقم بتاعنا. لو الخمسة وتمانين جرام ذهب قيمتهم النهاردة ميت الف جنيه يبقى اللي هيعدي المية الف جنيه بلغ النصاب واللي اقل من المية الف جنيه ما بلغش النصاب. طب انت ما طلعتش الزكاة بتاعتك لمدة تلات اربع سنين - [00:05:10](#)

فاتت هل الزكاة تسقط بالتقادم؟ ولا تسقط بالجهل؟ ولا تسقط بالتفريط؟ لا ما بتسقطش للاسف لانها دين. فلازم تطلعه ايا كانت المدة مرت عليه. طيب انت معك ذهب بقى له تلات سنين هتطلع زكاة عليه ازاى؟ هترجع عن طريق جوجل او عن طريق آآ الخبراء في الذهب وتسالهم سعر الذهب يوم - [00:05:25](#)

واحد وتلاتين اتناشر سنة الفين وسبعة كان كم؟ ويوم واحد وتلاتين اتناشر سنة الفين وتمانية كان كم؟ ويوم واحد وتلاتين اتناشر سنة الفين وتسعة كان كم؟ وهكذا كل السنوات اللي انت سقطت فيها الزكاة. وتأخذ الكمية اللي كانت موجودة معك من الذهب في اليوم ده. وتضربها في سعر يوم الحول. وبناء عليه - [00:05:46](#)

في اتنين وستة من عشرة في المية لو انت هتشتغل على الحولي الميلادي واتنين ونص في المية لو انت هتشتغل على الحول الهجري والقيمة اللي هتطلع في كل سنة دي الزكاة المستحقة عليك. ودي نقطة مهمة جدا لازم نركز فيها. ان الزكاة دين لا يسقط لا بالتقادم ولا - [00:06:06](#)

الجهل ولا بالتفريط - [00:06:23](#)